

Izveštaj o radu Uprave policije MUP-a Kantona Sarajevo za mjesec maj 2018.godine

KRIMINALITET

OSNOVNI STATISTIČKI POKAZATELJI KRIMINALITETA

U mjesecu maju 2018. godine, na području Kantona Sarajevo registrovana su 362 krivična djela što je za 17 djela ili 4,9% više u odnosu na isti mjesec prethodne godine.

Od ukupnog broja registrovanih krivičnih djela, 154 ili 42,5% izvršeno je od strane poznatih, a 208 ili 57,5% od strane nepoznatih izvršilaca.

Za 63 djela ili 30,3% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 38 krivičnih djela iz izvještajnog, a 25 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu maju 2018. godine za ukupno 217 krivičnih djela ili 59,9%, identifikovali osumnjičene izvršioce, što je za 6,2% manja rasvijetljenost u odnosu na isti mjesec prethodne godine.

Zbog postojanja osnova sumnje da su počinili krivična djela prijavljeno je 230 lica (jedno ili 0,4% manje), od čega je 116 povratnika (22 ili 15,9% manje) u izvršenju krivičnih djela (ili 50,4% od broja prijavljenih lica), 17 maloljetnika (11 ili 183,3% više), a 103 lica su lišena slobode (18 ili 14,9% manje).

Pregled kriminaliteta na području Kantona Sarajevo u mjesecu maju 2018/17. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	maj 2018.	maj 2017.	uporedba		rasvj. maj 2018.	
			+/-	%	broj kd	%
Protiv života i tijela	14	14	0	isto	13	92,9%
Protiv slobode i prava čovjeka i građanina	23	13	10	76,9%	21	91,3%
Protiv spolne slobode i morala	2	1	1	100%	2	100%
Protiv braka, porodice i mladeži	18	18	0	isto	18	100%
Protiv zdravlja ljudi	51	37	14	37,8%	51	100%
Protiv imovine	218	216	2	0,9%	82	37,6%
Protiv opće sigurnosti ljudi i imovine	8	3	5	166,7%	5	62,5%
Protiv sigurnosti javnog prometa	9	7	2	28,6%	9	100%
Protiv pravosuđa	5	3	2	66,7%	5	100%
Protiv javnog reda i pravnog prometa	12	16	-4	-25%	9	75%
Protiv podmićivanja i krivična djela protiv službene i druge odgovorne funkcije	1	4	-3	-75%	1	100%
Protiv sistema elektronske obrade podataka	0	1	-1	---	0	---
ZONDINOIM-a - Zakon o nabavljanju, držanju i nošenju oružja i municije (Sl.novineKS br.01/18)	1	12	-11	-91,7%	1	100%
UKUPNO	362	345	17	4,9%	217	59,9%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

Tokom mjeseca maja 2018. godine u ovoj oblasti evidentirano je 14 krivičnih djela (isti broj djela kao u mjesecu maju prethodne godine) i to: teška tjelesna ozljeda – pet djela (jedno manje) i lahka tjelesna ozljeda – devet (pet više).

Iz ove oblasti rasvijetljeno je ukupno 13 djela ili 92,9% (za sada je nerasvijetljeno jedno djelo teških tjelesnih ozljeda), a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 14 lica, od kojih je pet povratnika ili 35,7%, a jedno je lišeno slobode.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 23 krivična djela (deset više) ugrožavanje sigurnosti za čije izvršenje su prijavljena 24 lica od kojih je deset povratnika i dva lica su lišena slobode.

KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 18 djela (isti broj) nasilje u porodici, a zbog postojanja osnova sumnje da su počinili ova djela prijavljeno je 18 lica, od kojih je pet povratnika, a 11 je lišeno slobode.

KRIVIČNA DJELA PROTIV ZDRAVLJA LJUDI

Prijavljeno je 51-no krivično djelo iz oblasti protiv zdravlja ljudi (14 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 49 djela.

Zbog postojanja osnova sumnje da su počinili navedena djela podneseni su službeni izvještaji protiv 54 lica od kojih je 37 povratnika ili 68,5%, a 49 je lišeno slobode.

PREGLED ODUZETE KOLIČINE OPOJNIH DROGA U MJESECU MAJU 2018/17. GODINE

VRSTA OPOJNE DROGE	MAJ 2018. GOD.	MAJ 2017. GOD.
Marihuana (paketići)	7	14
Marihuana (JOINT - cigarete)	5	3
Marihuana (u gramima)	2	---
Heroin (paketići)	---	1
Amfetamin (paketići)	8	4
Amfetamin (u gramima)	30	---
Ecstasy (tablete)	---	32 i 1/4
LSD markice	----	2
MDMA/MOLLY (paketići)	----	2
pribor sa ostacima droge (komada)	2	4

U izvještajnom mjesecu, registrovano je 218 krivična djela protiv imovine, što je za dva djela više u odnosu na isti mjesec prošle godine. Među djelima iz ove oblasti najbrojnije su: teške krađe – 116 djela (jedno manje), zatim krađe – 30 (šest manje), razbojništvo – 47 (21 više), oštećenje tuđe stvari – 12 (pet manje), teška krađa u pokušaju – četiri (jedno više), prijevara - dva (pet manje), itd.

Za ukupno 82 djela iz ove oblasti ili 37,6% identifikovan je osumnjičeni izvršilac što je za 10,1% manja rasvjetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojniji su bili stambeni objekti - 46 puta (dva više), zatim slijede motorna vozila (otuđenja pmv i “provale” u ista) - 30 slučaja (19 manje), poslovni objekti - 21 (dva manje), itd.

Na području Kantona Sarajevo u mjesecu maju ove godine izvršena su 23 krivična djela teških krađa motornih vozila od čega je osam ili 34,8% pronađeno i vraćeno vlasnicima (od strane policije MUP-a KS vraćena su četiri vozila, drugih MUP-ova – jedno i vlasnici su pronašli – tri vozila).

Broj teških krađa motornih vozila, u odnosu na uporedni mjesec, znatno je smanjen i to za 19 ili 45,2%. Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv tri lica (jedno manje u odnosu na uporedni mjesec).

Prijavljeno je 30 krivičnih djela krađe (šest manje), koja su izvršena 15 puta u poslovnim prostorijama, pet puta u vozilima i na stajalištima GRAS-a, tri u stambenim objektima, pet puta na ulici, itd. odakle su otuđivani novčanici, mobiteli, auto dijelovi, bicikli, građevinski materijal, itd.

U mjesecu maju 2018. godine, registrovano je 47 krivičnih djela razbojništva (21 više), od čega je za 13 djela ili 27,7% identifikovan osumnjičeni izvršilac što je za 33,8% manje u odnosu na isti mjesec prethodne godine.

Ova djela izvršena su prijetnjom upotrebe vatrenog oružja - 15 puta, prijetnjom upotrebe noža ili drugog oštrog predmeta – 17 i upotrebom fizičke snage – 15 puta, a počinjena su u prodavnicama – 20 puta, u apotekama - sedam, u sportskim kladionicama - tri, na benzinskim pumpama - dva, ulici – 13, itd. Otuđivan je novac, mobiteli, nakit, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 13 lica, od kojih je 11 povratnika u činjenju krivičnih djela ili 84,6%, a četiri su lišena slobode.

Evidentirano je devet krivičnih djela teških krađa na naročito opasan ili naročito drzak način (dva više), u kojima su izvršioc, upotrebom fizičke snage – šest puta, te verbalnom prijetnjom u tri slučaja, otimali mobitele i novac. Ova djela izvršena su na ulici - sedam puta i po jedno u prodavnici i tramvaju.

Za ukupno dva djela identifikovani su osumnjičeni izvršioc ili 22,2% (49,2% manje), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica, od kojih su tri maloljetnika, a jedno je lišeno slobode.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je osam djela (pet više) i to: izazivanje opće opasnosti i teška krivična djela protiv opće sigurnosti ljudi i imovine - po četiri djela, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica, a šest je lišeno slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 12 krivičnih djela (četiri manje) i to: nasilničko ponašanje – šest djela, nedozvoljeno držanje oružja ili eksplozivnih materija – dva, sprječavanje službene osobe u vršenju službene radnje, napad na službenu osobu u vršenju službene radnje, samovlašće i krivotvorenje isprave - po jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji osam lica, od kojih je pet povratnika ili 62,5%, a tri su lišena slobode.

KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca maja 2018. godine policijski službenici su podnijeli službene izvještaje nadležnom tužilaštvu **protiv 17 maloljetnih lica** zbog osnova sumnje da su **počinili 13 krivičnih djela**. U poređenju sa istim mjesecom 2017. godine, broj krivičnih djela za čije izvršenje su prijavljena maloljetna lica povećan je za osam ili 160%, a broj prijavljenih maloljetnih učinilaca krivičnih djela povećan je za 11 ili 183,3%.

Pregled broja maloljetnih izvršilaca krivičnih djela za mjesec maj 2018. godine
prema starosnoj strukturi

Starosna dob maloljetnika	do 14 godina	od 14 do 16 god.	od 16 do 18 god.	ukupno
Broj maloljetnih izvršilaca	5	7	5	17

Među maloljetnim učinocima krivičnih djela, 12 su u dobi do 16 godina, a pet u dobi od 16 do 18 godina. Tri maloljetnika su povratnici u izvršenju krivičnih djela.

Pregled registrovanih krivičnih djela izvršenih od strane maloljetnih lica za mjesec maj 2018/2017. godine

Naziv krivičnog djela	maj 2018.	maj 2017.
Lahka tjelesna ozljeda	2	
Ugrožavanje sigurnosti	3	1
Utaja		1
Posjedovanje i omogućavanje uživanja opojnih droga	2	1
Krađa	1	
Teška krađa	1	
Teška krađa na naročito drzak i opasan način	1	1
Teška krađa na naročito drzak i opasan način u pokušaju	1	
Razbojništvo	1	1
Nasilničko ponašanje	1	
ukupno	13	5

Ugrožavanja sigurnosti od strane maloljetnih lica su učinjena na području općina: Stari Grad – dva i Ilidža - jedno djelo. Krivična djela ugrožavanja sigurnosti maloljetnici su učinili lažnim dojavama o postavljenim eksplozivnim napravama u školama.

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca maja 2018. godine na području Kantona Sarajevo nije registrovano aktiviranje minsko-eksplozivnih sredstava (dva u istom mjesecu 2017. godine).

U proteklom mjesecu evidentirano je osam anonimnih dojava o postavljanju eksplozivnih naprava (jedna u maju 2017. godine), a odnosile su se na srednje i osnovne škole. Nakon KDZ pregleda utvrđeno je da su dojave bile lažne. Preduzimaju se aktivnosti na rasvjetljavanju ovih slučajeva i pronalaženju učinioca.

POŽARI

Tokom mjeseca maja 2018. godine, na području Kantona Sarajevo registrovano je 12 požara (isto kao u maju prošle godine), koji su za posljedicu imali materijalnu štetu.

Prema statističkim pokazateljima, 11 požara je izazvano namjerno, a jedan zbog tehničkih nedostataka. Zbog izazivanja požara nadležnom tužilaštvu su podnesena četiri službena izvještaja: tri iz člana 323 KZ FBiH (izazivanje opće opasnosti) i jedan iz člana 301 KZ FBiH (paljevina).

SAMOUBISTVA

U mjesecu maju 2018. godine na području Kantona Sarajevo registrovano je šest samoubistava (jedno više) izvršenih na sljedeće načine: vatrenim oružjem – tri puta, vješanjem- dva puta i skakanjem sa visine- jednom.

JAVNI RED I MIR

U toku mjeseca maja 2018. godine zbog raznih oblika narušavanja javnog reda i mira izrečeno je 359 prekršajnih sankcija (naloga - 277, zahtjeva - 82), što je u odnosu na mjesec maj 2017. godine manje za 132 ili 26,9%. Prekršajne sankcije preduzete su protiv 391 lica (136 ili 25,8% manje).

Najveći broj prekršajnih sankcija odnosi se na prekršaje utvrđene Zakonom o prekršajima protiv javnog reda i mira (318 ili 88,6%), dok se na prekršaje utvrđene Odlukom općinskih vijeća o javnom redu i miru odnosi 41 ili 11,4% sankcija.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2017. godine), dok je lakše povrijeđeno sedam lica (13 ili 65% manje).

Prema starosnoj strukturi lica protiv kojih su preduzete prekršajne sankcije najbrojniji su oni preko 36 godina (245), zatim između 26 i 35 godina (91) i između 19 i 25 godina (53), a dva učinioca su maloljetna lica. Među učiniocima prekršaja iz oblasti javnog reda i mira, 49 je povratnika u izvršenju ovih prekršaja (ili 13,6%).

Tabelarni pregled strukture prekršaja iz oblasti javnog reda i mira
za mjesec maj 2018/2017. godina

PREKRŠAJI IZ ZAKONA O JRIM:	MAJ 2018.	MAJ 2017.	+ - %
<i>-Tuče</i>	35	47	-12 ili 25,5%
<i>-Naročito drsko ponašanje</i>	32	52	-20 ili 38,5%
<i>-Odbijanje naređenja i omalovaž. pol. služb.</i>	23	42	-19 ili 45,2%
<i>-Prosjačenje</i>	182	242	-60 ili 24,8%
<i>-Svađa, vika, nepristojno ponašanje</i>	2	9	-7 ili 77,8%
<i>-Uživanje opojne droge na javnom mjestu</i>	2	0	2
<i>-Neovlaštena upotreba oružja</i>	0	0	---
<i>-Paljenje petardi</i>	0	0	---
<i>-Ostali prekršaji iz Zakona o JRiM</i>	42	53	-11 ili 20,7%
Prekršaji prema Odluci općinskog vijeća o JRiM	41	46	-5 ili 10,9%
ukupno	359	491	-132 ili 26,9%

Najbrojniji su prekršaji učinjeni prosjačenjem (182 ili 50,7%), zatim tučama (35 ili 9,7%), naročito drskim ponašanjem (32 ili 8,9%), te odbijanjem naređenja i omalovažavanjem policijskih službenika (23 ili 6,4%). Registrovano je i po dva prekršaja učinjenih svađom, vikom i nepristojnim ponašanjem i uživanjem opojnih droga na javnom mjestu i 42 zbog svih ostalih prekršaja. Takođe, evidentiran je i 41 prekršaj koji je utvrđen Odlukom općinskih vijeća o JRiM.

U odnosu na isti mjesec 2017. godine, u proteklom mjesecu povećan je broj prekršajnih sankcija zbog prekršaja učinjenih uživanjem opojne droge na javnom mjestu, dok je u svim ostalim slučajevima smanjen broj ovih sankcija.

Prema mjestu izvršenja, najveći broj prekršaja evidentirano je zbog narušavanja javnog reda i mira na ulici i na drugim otvorenim prostorima (317 ili 88,3%), a znatno manje u ugostiteljskim objektima (17), školama i školskim dvorištima (osam), na sportskim stadionima i dvoranama i u vozilima javnog saobraćaja (po jedan) i na ostalim mjestima (15).

Tabelarni pregled broja preduzetih prekršajnih sankcija u mjesecu maju 2018/2017. godine, prema mjestu izvršenja

MJESTO IZVRŠENJA	MAJ 2018.	MAJ 2017.	+ - %
Ugostiteljski objekti	17	14	3 ili 21,4%
Ulice i drugi otvoreni prostori	317	422	-105 ili 24,9%
Vozila javnog saobraćaja	1	3	-2 ili 66,7%
Sportski stadioni i dvorane	1	17	-16 ili 94,1%
Škole i školska dvorišta	8	9	-1 ili 11,1%
Trgovine i zanatske radnje	0	2	-2
Ostala mjesta	15	24	-9 ili 37,5%
UKUPNO	359	491	-132 ili 26,9%

U odnosu na isti mjesec 2017. godine, u proteklom mjesecu povećan je broj prekršaja izvršenih u ugostiteljskim objektima, dok su svi ostali prekršaji smanjeni.

Na području Kantona Sarajevo u mjesecu maju 2018. godine održano je 366 javnih skupova (43 ili 13,3% više u odnosu na maj 2017. godine). Policijski službenici su proveli planske aktivnosti na obezbjeđenju javnih skupova, koji su protekli bezbjedno, a u 39 slučajeva izvršeno je KDZ osiguranje.

SAOBRAĆAJ

Tokom mjeseca maja 2018. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima i broja nastradalih lica.

Registrovana je 771 saobraćajna nezgoda (46 ili 5,6 % manje), 713 sa materijalnom štetom (44 ili 5,8 % manje) i 58 sa nastradalim licima (dva ili 3,3 % manje).

U naselju je registrovano 700 saobraćajnih nezgoda (jedna sa poginulim, 51 sa povrijeđenim licima i 648 sa materijalnom štetom), van naselja 71 nezgoda (šest sa povrijeđenim licima i 65 sa materijalnom štetom).

Evidentirane su 92 saobraćajne nezgode na raskrsnicama u naselju, 12 na raskrsnicama van naselja, tri na pješačkom prelazu i 664 saobraćajne nezgode čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo
za mjesec maj 2018./2017. godina

	maj 2018.	maj 2017.	+,-,%
UKUPNO SAOBRAĆAJNIH NEZGODA	771	817	- 46 ili 5,6 %
Saobraćajne nezgode sa nastradalim licima	58	60	- 2 ili 3,3 %
Saobraćajne nezgode sa materijalnom štetom	713	757	- 44 ili 5,8 %
POGINULO LICA	1	2	- 1 ili 50 %
- vozači	1	1	isto
- putnici	0	0	-----
- pješaci	0	1	- 1
POVRIJEĐENO LICA	67	78	- 11 ili 14,1 %
- vozači	39	37	+ 2 ili 5,4 %
- putnici	15	25	- 10 ili 40 %
- pješaci	13	16	- 3 ili 18,7

POSLJEDICE SAOBRAĆAJNIH NEZGODA

Tokom mjeseca maja 2018. godine, u saobraćajnim nezgodama na području Kantona Sarajevo 68 lica je nastradalo (12 ili 15 % manje). Jedno lice je poginulo (jedno ili 50 % manje), dok je 67 lica povrijeđeno (11 ili 14,1 % manje), 16 teže i 51 lakše.

Među povrijeđenim licima evidentirano je:

- 39 vozača (dva više)
- 15 putnika (10 manje)
- 13 pješaka (tri manje)

Kada je u pitanju stepen povreda, sedam vozača je teže a 32 lakše povrijeđena, dva putnika su teže a 13 lakše povrijeđeno, dok je sedam pješaka teže a šest lakše povrijeđeno.

Najveći broj povrijeđenih lica registrovan je na području općina: Novo Sarajevo – 13 (dva teže i 11 lakše), Novi Grad – 13 (jedno teže i 12 lakše), itd.

Starosna struktura lica povrijeđenih u saobraćajnim nezgodama je sljedeća: od 21 do 24 godine – 15 lica, od 31 do 40 godina – 11 lica, od 41 do 50 godina – 10 lica, od 51 do 65 godina – 10 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju –586 nezgoda u kojima je 40 lica povrijeđeno, zatim na magistralnim putevima – 63 nezgode u kojima je osam lica nastradalo (jedno lice poginulo, sedam lica povrijeđeno), na lokalnim putevima – 46 nezgoda (šest lica povrijeđeno), na regionalnim putevima – 44 nezgode (sedam lica povrijeđeno) i na putevima koji se ubrajaju u kategoriju ostalih – 32 saobraćajne nezgode (sedam lica povrijeđeno).

UZROCI SAOBRAĆAJNIH NEZGODA

Od ukupno 771 uzroka saobraćajnih nezgoda, 98 je zbog neprilagođene brzine (22 lica povrijeđena), sedam zbog uticaja alkohola (tri lica povrijeđena), dok uzroci za 666 saobraćajnih nezgoda spadaju u kategoriju ostalih (jedno lice poginulo, 42 lica povrijeđena).

Tokom mjeseca maja 2018. godine, kontrolisano je ukupno 21.424 vozila (97 manje), 4.436 lica u vozilima (794 manje), izvršen je pregled 178 vozila (86 manje) i 172 lica u vozilima (77 manje).

Zbog tehničke neispravnosti iz saobraćaja je isključeno 45 vozila (12 više), 130 vozača je zatečeno da upravljaju vozilom pod dejstvom alkohola (11 manje), 436 bez korištenja sigurnosnog pojasa (166 više), 134 bez položenog vozačkog ispita (36 više), 57 pod izrečenom zaštitnom mjerom (46 više), 578 zbog korištenja mobitela tokom vožnje (243 više), dok su 174 vozila učestvovala u saobraćaju bez važeće registracije (42 više).

Zbog kršenja propisa iz oblasti sigurnosti saobraćaja uručeno je 16.389 prekršajnih naloga vozačima (48 manje u odnosu na maj prošle godine) i podneseno 12 zahtjeva za pokretanje prekršajnog postupka (27 manje). Evidentirano je devet krivičnih djela zbog ugrožavanja sigurnosti javnog prometa (dva više).

Tokom provođenja akcije pod nazivom „Neko te voli“ kontrolisan je ukupno 2.791 učesnik u saobraćaju. Tom prilikom su izdata ukupno 1.002 prekršajna naloga od čega: 972 vozačima motornih vozila, 14 vozačima bicikla, mopeda i motocikla, dok je 16 prekršajnih naloga izdato pješacima.

ZAKONITOST U RADU

Tokom mjeseca maja 2018. godine, registrovana su četiri napada (dva više) na policijske službenike: Četvrta PU – tri i Treća PU – jedan napad. U napadima je učestvovalo jedno punoljetno lice i tri nepoznata lica.

Policijski službenici su u šest slučajeva opravdano upotrijebili silu (četiri više):

- Vatreno oružje – tri puta
- Fizičku snagu i sredstva za vezivanje – dva puta
- Fizičku snagu – jednom

Tokom mjeseca maja 2018. godine, razmatrane su 23 predstavke na rad službenika policije, među kojima je za šest predstavlki (osam manje) data saglasnost da se sprovede unutrašnja istraga. Za pet predstavlki je donesena odluka da se izvrše provjere i prikupi dokumentacija, za 10 da nema osnova za provođenje unutrašnjih istraga, za jednu da se pripoje ranijem spisu, dok se za jednu predstavku čekao izvještaj o opravdanosti upotrebe sile.

Postupano je po 31 predstavci iz ranijeg perioda, tako da je vođeno ukupno 37 unutrašnjih istraga (sedam više).

Okončano je sedam unutrašnjih istraga, među kojima su dvije osnovane, dvije neosnovane, u dva slučaja nije bilo dovoljno dokaza, dok je u jednom slučaju stranka odustala od žalbe.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE (Sl.novine Kantona Sarajevo br. 01/18)

U mjesecu maju 2018. godine evidentirano je jedno djelo regulisanih ZONDINOiM-om (11 manje) počinjeno od strane jednog lica, povratnika u činjenju krivičnih djela, koje je lišeno slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: jedno teško oružje, dvije puške, pet pištolja, četiri „noža, mača, sablji i sl.“, 469 komada municije raznog kalibra, itd.

U izvještajnom mjesecu fizičkim licima izdato je 86 odobrenja za nabavku vatrenog oružja (jedno manje) i 98 oružnih listova (28 više).

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana, nevladinim organizacijama, itd.

U sklopu projekta „Policija u zajednici“ preduzimane su sljedeće aktivnosti:

- Radilo se na sprečavanju prosjačenja, skitanja, propuštenog staranja za maloljetne osobe.
- Organizovan je pojačan obilazak parking prostora i mjesta na kojima su registrovana krivična djela i narušavanje javnog reda i mira, kao i sankcionisanje prekršilaca saobraćajnih propisa.
- Policijski službenici Uprave policije su obilazili osnovne škole na svojim staničnim područjima i tom prilikom sa direktorima i pedagogima škola dogovorili i organizovali edukativne radionice na teme: „Djeca u saobraćaju“, „Međuvršnjačko nasilje“, „Narkomanija“ i druge teme.
- Nastavljene su aktivnosti na realizaciji projekta ICITAP-a „Uklanjanje grafita“.
- U vezi realizacije projekta „Jačanja tužilačkih kapaciteta u sistemu krivičnog pravosuđa BiH“ pod nazivom „Lopov uvijek bude otkriven“, organizovane su aktivnosti kojima se između ostalog, nastoje implementirati programi sa ciljem prevencije kriminala.
- Intenzivno se radilo na rasvjetljavanju lažnih dojava o postavljenim bombama u nekoliko srednjih škola, kao i na preduzimanju radnji koje se odnose na edukaciju učenika i nastavnog osoblja kako bi se povećala svijest o štetnosti ove vrste devijantnog ponašnja.
- Nastavljene su aktivnosti na provođenju kampanje „Neko te voli“, sa ciljem smanjenja broja učesnika u saobraćaju koji koriste mobilne telefone.
- Policijski službenici PS Stari Grad su intenzivno sarađivali sa Turističkom zajednicom općine Stari Grad, u vezi lične bezbjednosti turista kao i ostalih građana na području općine Stari Grad sa akcentom na užu jezgru Bašaršije.

Sarajevo, 11.06.2018.godine